


AMSTER MORITAT

2000




Da Kotter Sepp der
 macht an Ausflug
 d'Verwandschaft is
 do a dabei
 von Passau drunt do
 kimmt da E-Zug
 in Vuishof do
 steing's glei ei
 hoamzua da Sepp
 bis Passau gfon
 drom in Vuishof
 do steht sei Wong



An Gottschaller Sepp fahrt
 d'Frau auf Minsta
 oi Weißbier-Böck
 er tringa mecht
 wia er hoam mecht
 wars scho finsta
 vom Wirtshaus raus
 da wird eahm schlecht
 ruaft's Polizei
 d'Frau muaß mi hoin
 mia hams am Markt
 mei Auto gstein

Miedl Hermann
 da grosse Bänker
 z'Kirchham hod er
 an Zanda kauft
 zum Lindinger Wigg an
 kloana Schlenker
 weil er zum Zan-
 da Mille braucht
 de Hälfte Fisch
 hat da Hund scho gschluckt
 den Rest da Hermann
 dahoam vadruckt



Hüttendienst hod
Straußberger Anne
In der Pöhl-
mann hüttn drom
Zum obspuin war so
manche Kanne
A Wassa woit
sie do glei hom
Statt Wassa Schnaps
is ihr passiert
Des Gschirr hat sie
des- in-fiziert



Patzl Wigg da
Rothirschzichta
A Hirschkua hod
a Kaibe gsetzt
Da Wigg glei naus wia
a Varruckta
De Hirschkua hod
na do glei g'hetzt
Sei Rettung war
da oane Baam
min Bulldogg dann
befreit eahm ham

Schatz'berger Irmi
von Dobe draußen
Soid de grou-
ße Wies'n heing
Alloa min Traktor
tuat's rumsausen
Des Hei muaß do
scho lieg'n bleim
Sie fährt alloa
welch großer Schreck
Da Kreißl-hei-
er steht im Eck

